



Broj: 10/E-11-2319/23

Sarajevo, 27-04-2023. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke za izvođenje radova na izgradnji i održavanju nadstrešnica na autobuskim stajalištima na ulicama Općine Centar Sarajevo (Zapisnik o pregledu i ocjeni ponuda broj: 10/E-11-2319/23 od 20-04-2023. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača „**VIZIJA**“ d.o.o. Visoko, ulica Muhašinovići bb, 71300 Visoko broj: 01-169/23 od 13.04.2023. godine, za izvođenje radova na izgradnji i održavanju nadstrešnica na autobuskim stajalištima na ulicama Općine Centar Sarajevo, putem konkurentskog zahtjeva za dostavu ponuda, u ukupnom iznosu od **42.100,00 KM bez PDV-a**, odnosno u iznosu **49.257.00 KM sa PDV-om**.
- II. Ugovorni organ će sa izabranim ponuđačem zaključiti Okvirni sporazum na period od 1 (jedne) godine, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- IV. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke za izvođenje radova na izgradnji i održavanju nadstrešnica na autobuskim stajalištima na ulicama Općine Centar Sarajevo, pokrenut je Odlukom Općinskog načelnika o pokretanju postupka javne nabavke, broj: 10/E-11-2319/23 od 27.03.2023. godine.

Postupak javne nabavke nije podijeljen na lotove.

Obavještenje o nabavci broj: 848-7-3-61-3-65/23 objavljeno je dana 03.04.2023. godine na Portalu javnih nabavki, a Sažetak Obavještenje o nabavci objavljen je u „Službenom glasniku BiH“ broj 24/23. Procijenjena vrijednost javne nabavke bez PDV-a ukupno iznosi 42.135,00 KM, za cijeli period trajanja Okvirnog sporazuma.

U roku za predaju ponuda koji je određen tenderskom dokumentacijom (14.04.2023. godine do 12:00 sati), na adresu Ugovornog organa dostavljene su dvije (2) ponude i to ponuđača: 1. „GLOVIS“ d.o.o. Zenica i 2. „VIZIJA“ d.o.o. Visoko..

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kao kriteriji „najniža cijena“, kako slijedi:

R/b	Ponuđač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„GLOVIS“ d.o.o. Zenica	41.780,00	/	48.882,60
2.	„VIZIJA“ d.o.o. Visoko	42.100,00	/	49.257,00

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude u smislu provjere njihove potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u tenderskoj dokumentaciji.

U postupku provjere da li dostavljene ponude ispunjavaju ispunjavaju formalno-pravne, ekonomske i tehničke uslove, odnosno zahtjeve Ugovornog organa iskazane u tenderskoj dokumentaciji, Komisija I je ustanovila da ponuda ponuđača „GLOVIS“ d.o.o. Zenica nije potpuna i ne ispunjava zahtjeve iz tenderske dokumentacije za predmetnu nabavku.

Tačkom 1.4.1. tenderske dokumentacije propisano je:

Što se tiče tehničke i profesionalne sposobnosti, da bi učestvovali u postupku javne nabavke putem konkurentskog zahtjeva, ponuđači trebaju ispuniti sljedeće minimalne uslove na osnovu dokaza iz člana 51. stav a) Zakona, i to:

- a) da je kao dobavljač/ugovarač realizovao jedan ili više ugovora koji su u vezi sa predmetnom nabavkom ili koji imaju karakter i kompleksnost sličnog onima koji se odnose na predmetnu nabavku, u ukupnom iznosu jednakom ili većem od 30.000,00 KM sa PDV-om, u posljednje 3 (tri) godine, računajući od dana podnošenja ponude ili od datuma registracije, odnosno početka poslovanja, ako je ponuđač/kandidat registrovan, odnosno počeo s radom prije manje od tri godine.

Tačkom 1.4.2. tenderske dokumentacije propisano je:

Ocjena tehničke i profesionalne sposobnosti ponuđača iz prethodne tačke izvršiti na osnovu sljedećih pismenih dokaza:

- a) spisak izvršenih ugovora – referens lista, u skladu sa članom 48. stav (2) Zakona, za izvođenje radova koji su predmet ove nabavke ili koji imaju karakter i kompleksnost sličnog onima koji se odnose na predmetnu nabavku za period ne duži od tri godine ili od datuma registracije, odnosno početka poslovanja, ako je ponuđač/kandidat registrovan, odnosno počeo s radom prije manje od tri godine, sa potvrđama o uredno izvršenim ugovorima, izdatim od strane druge ugovorne strane, u skladu sa tačkom 1.4.1. pod a) ove tenderske dokumentacije (obična kopija traženih dokaza). Referenc listu ponuđači sačinjavaju na svom memorandumu (Forma Obrasca spiska izvršenih ugovora – Aneks 10).

Ukoliko se potvrde o pruženim uslugama ne mogu obezbijediti iz objektivnih razloga, ponuđač će dostaviti izjavu na obrascu ponuđača o uredno izvršenim ugovorima uz predočenje dokaza o učinjenim pokušajima da se takve potvrde osiguraju.

Potvrda o izvršenim ugovorima koju izdaje naručilac obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima, u skladu sa članom 48. stav (3) Zakona o javnim nabavkama (Forma Obrasca potvrde o uredno izvršenim ugovorima – Aneks 11).

Ugovorni organ zadržava pravo da u toku evaluacije ponuda utvrdi vjerodostojnost dostavljenih podataka o uspješno realizovanim ugovorima.

Komisija I je konstatovala da je, u svrhu dostave dokaza tehničke i profesionalne sposobnosti, zahtjevanih tačkom 1.4.1 pod a) tenderske dokumentacije, ponuđač „GLOVIS“ d.o.o. Zenica u ponudi dostavio dvije potvrde o uspješno izvršenim ugovorima, izdatim od strane druge ugovorne strane, od kojih se jedna odnosi na nabavku i postavljanje kanti za odlaganje otpada, a druga na nabavku i ugradnju betonskih žardinjera u funkciji zaštitne ograde.

Međutim, Komisija I je ustanovila da se potvrde o uredno izvršenim ugovorima, dostavljene prema priloženom Obrascu spiska izvršenih ugovora, nisu mogle prihvatiti kao validan dokaz da ponuđač ispunjava zahtjeve iz tačke 1.4.1. pod a) tenderske dokumentacije.

Tenderskom dokumentacijom jasno je preciziran uslov da ponuđač ima jedan ili više ugovora koji su **u vezi sa predmetnom nabavkom ili koji imaju karakter i kompleksnost sličnog onima koji se odnose na predmetnu nabavku**. Iz sadržaja dostavljenih ponuda proizlazi da se radi o poslovima nabavke i postavljanja kanti za odlaganje otpada odnosno nabavke i ugradnje betonski žardinjera u funkciji zaštitne ograde, te da naznačeni iznosi pojedinačnih ugovora i vremenski period odgovaraju zahtjevu iz tenderske dokumentacije. Međutim, izvršeni poslovi, navedeni u dostavljenim potvrđama, ne odgovaraju predmetnoj nabavci niti imaju karakter i kompleksnost sličan onom koji se odnose na konkretnu nabavku, kao kumulativno postavljenom uslovu, zbog čega se dostavljene potvrde nisu mogle prihvatiti kao relevantan dokaz da ponuđač posjeduje potrebno iskustvo za izvođenje radova koji su predmet nabavke.

Slijedom navedenog Komisija I je zauzela jedinstven stav i ocijenila da ponuda ponuđača „GLOVIS“ d.o.o. Zenica nije potpuna i ne ispunjava zahtjeve iz tenderske dokumentacije odnosno da ponuđač nije ispunio uslov u pogledu potrebnog iskustva na izvršavanju poslova odnosno radova iz opisane nabavke,

zbog čega je ponuda odbačena u skladu sa odredbom člana 68. stav (1) i stav (4) tačka i) Zakona o javnim nabavkama BiH

U daljem toku postupka pregleda i ocjene ponuda, Komisija I je konstatovala da je ponuda ponuđača „VIZIJA“ d.o.o. Visoko prihvatljiva u smislu definicije prihvatljive ponude iz Zakona o javnim nabavkama, te ispunjava formalno-pravne, ekonomske i tehničke uslove, odnosno zahtjeve Ugovornog organa iskazane u tenderskoj dokumentaciji.

Komisija I je izvršila i računsku kontrolu ispravne, potpune i prihvatljive ponude ponuđača „VIZIJA“ d.o.o. Visoko, i pri tome nije pronađena niti jedna računaska greška.

Tenderskom dokumentacijom je predviđeno provođenje e-aukcije. S obzirom na to da je nakon pregleda i evaluacije pristiglih ponuda ostala samo jedna prihvatljiva ponuda (ponuđač „Vizija“ d.o.o. Visoko), postupak javne nabavke se okončava u skladu sa članom 69. Zakona o javnim nabavkama („Službeni glasnik BiH“, broj 39/14 i 59/22), a u vezi sa članom 3. stav (3) Pravilnika o uslovima i načinu korištenja e-aukcije („Službeni glasnik BiH, broj 66/16) bez provođenja e-aukcije.

U daljem toku postupka izvršena je ocjena i vrednovanje prihvatljive ponude prema pravilima propisanim Zakonom o javnim nabavkama i podzakonskim aktima, kao i procedurama utvrđenim u tenderskoj dokumentaciji za predmetnu nabavku.

Na osnovu izvršenog bodovanja prihvatljive ponude na osnovu kriterija „najniža cijena“, sljedi:

Rang	Ponuđač	Ukupna cijena ponude (KM) bez PDV-a	Ukupna cijena ponude (KM) sa PDV-om
1.	„VIZIJA“ d.o.o. Visoko	42.100,00	49.257,00

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

prvorangiranog ponuđača „**VIZIJA**“ d.o.o. Visoko, ulica Muhašinovići bb, 71300 Visoko, broj: 01-169/23 od 13.04.2023. godine, za izvođenje radova na izgradnji i održavanju nadstrešnica na autobuskim stajalištima na ulicama Općine Centar Sarajevo, u ukupnom iznosu od **42.100,00 KM bez PDV-a**, odnosno u iznosu **49.257,00 KM sa PDV-om**, sa kojim će biti zaključen Okvirni sporazum na period od 1 (jedne) godine.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Prilog:

Zapisnik o pregledu i ocjeni ponuda

broj: 10/E-11-2319/23 od 20-04-2023 godine



DOSTAVITI:

1. Ponuđaču: „GLOVIS“ d.o.o. Zenica, ul. Zmaja od Bosne bb, Poslovna zona 1, 72000 Zenica
2. Ponuđaču: „VIZIJA“ d.o.o. Visoko, ul. Muhašinovići bb, 71300 Visoko
3. Službi za stambene i komunalne poslove
4. Kabinetu općinskog načelnika - Odsjek za javne nabavke
5. Službi za finansije
6. U spis